



KEREBAN DIKENA HARI MINGGU CATECHETICAL '22

Belajarka reti **Hari Minggu Catechetical**
sereta bakani iya dipunka 1

Bai sida anemiak beterima kasih ke
Apai Indai ngena pemeru ti spesil
Aktiviti Chura dalam Kotak Pemeru 2

Bai sida anemiak meru terima kasih
ngagai pengajar pengarap ngena pemeru ti spesil
Aktiviti Chura Ditaga dalam Sengkilong 3

Bai sida ti anemiak ke bebelas taun umur meru
terima kasih ngagai Apai Indai ngena pengawa
ti ditaga ngagai sida
Aktiviti meru terima kasih ke Apai Indai 4

Sembiangka Ruang Bilik ti disebut begulai 5

Belajarka **5 Jalai ti Badas**
kitai ulih Nyukung Ruang Bilik 6

Nama reti Hari Minggu Catechetical ?

Hari Minggu Catechetical bepun nyadika peluang alai sida pengajar pengarap, apai indai enggau penyaga nyerahka diri empu baru ngagai pengawa misyen ngajar pengarap, lalu ngintu sereta netapka dalam sida kangau ti besai tu, nyadi siti gerempung pengarap. Pengerami Hari Minggu Catechetical diintu nyadika saut ngagai surat tulis ti dipansutka ulih Vatican, lebu may ba taun 1935- "On the Better Care and Promotion of Catechetical Education." Dalam surat tulis tu nyadika kangau ngagai Gerija di serata dunya ngambika ukai semina ngaku beguna amat ministri ngajar tu, tang mega deka bebasaka sida pengajar pengarap, ti mela gerempung Kristin.

Kemaya Hari Minggu Catechetical ?

Taun tu, Hari Minggu Catechetical deka diintu kena 30 January 2022 !

Nama pun ajar ba Hari Minggu Catechetical ba taun tu ?

Pun ajar taun tu, iya nya "*Ruang Bilik: Siti Jalai ngagai Pengudus.*" Kita dipinta ngambika belemati enggau dalam agi pasal pun ajar tu nengah macha Pesan Hari Minggu Catechetical, disediaka ulih Malaysia Catechetical Commission!

Kereban Hari Minggu Catechetical

Pekekas dalam Kereban Hari Minggu Catechetical tu dikena raban gerija aja sereta dikena diri empu aja (enda tau dijual). Pekekas ba dalam kereban tu diempu sida pengaga' bukai ke udah diakun lalu kereja sida udah dituliska, nitihka jalai ti patut.

Iya ti disayau,

(nama apai indai)



Terima kasih laban udah
meri pemer ti besai ari
atas semua ngagai aku!

Meri terima kasih
sereta pengerindu,

(nama aku)

Iya ti disayau,

(nama pengajar pengarap)



Meri terima kasih sereta pengerindu,

(nama aku)

Beterima kasih ngagai Apai indai aku ba Hari Minggu Catechetical

Pilih 1 (siti) (tauka lebih) ari pemilih ba baruh tu dikena madahka terma kasih ngagai apai indai nuan.

1. Tulis **sembiang** ke Apai Indai nuan ngena jaku ari nuan empu !
2. Kungsika **utai ti diajar** apai indai nuan pasal Allah Taala!
3. Tulis pesan **terima kasih** ketegal utai ti udah digaga apai indai nuan, sereta utai ti seruran deka digaga apai indai ke nuan!
4. Kati bisi nuan **belajarka** utai ti dipikirka nuan kelebihan agi beguna amat tauka spesil ari apai indai nuan? Padah ngagai sida iya!

Meri terima kasih sereta pengerindu,

(nama aku)

Sembiangka Ruang Bilik



Aum Ke-10 Ruang Bilik di sereta dunya deka belabuh ba menua Rome, ari 22-26 haribulan Jun, taun 2022. Dikena nyediaka aum tu, Diosis Rome, sereta Vatican Dicastery ke Laity, Ruang Bilik enggau Pengidup (Vatican Dicastery for Laity, Family and Life), udah mansutka sembiang dikemendarka dikena bala mayuh. Aram meh kita sama begulai besembiangka ruang bilik.

Apai ti di serega,

kami datai ba mua nuan ngambi muji sereta meri terima kasih ngagai nuan ke pemer ti pemadu besai, iya nya, ruang bilik. Kami besembiang ngagai Nuan ke semua ruang bilik ti diserahkan dalam sembiang nengah Sakramen Matrimony. Awak ke sida ninting hari tetemuka baru, nimet ti udah diterima sida, lalu nyadi Gerija domestik, awak ke sida nemu bakani nyadi ke saksi nuan ti bisi ba ruang bilik, sereta deka rindu ngena pengerindu Kristus ti rindu ke Gerija.

Kami besembiang ngagai Nuan ke semua ruang bilik ti bisi penusah sereta merinsa ketegal penyakit tauka laban utai ti bukai ti semina Nuan aja nemu. Kering ke sida lalu asuh sida ngadangka jalai pengudus, ti ari nya, Nuan ngangau sida, ngambi ke sida tau ngasaika pengasih Nuan ti meruan lalu tetemuka jalai ti baru ngambi mansang dalam pengerindu.

Kami besembiang ngagai Nuan, ke sida anak mit sereta sida ti biak: awak ke sida tau betemu enggau Nuan sereta nyaut enggau pengaga ke kangau Nuan ngagai sida.

Kami besembiang ke apai indai sereta aki' ini': awak ke sida tau nemu, iya nya, sida meh tanda enggi Allah ti nyadi apai sereta indai dalam nyaga ngemata bala anak, ke, ba tubuh enggau dalam roh, Nuan nyerah lalu ngandal ngagai apai indai; sereta ke pengasai penyerakup ngambu pangan diri' menyadi' ti ulih diberi ruang bilik ngagai dunya.

Tuhan, berika ngambi genap ruang bilik tau idup nitihka jalai pengidup diri ngagai pengudus dalam Gerija ti baka kangau nyadi murid misyenery, dalam pengidup mela sereta pemaik, dalam communion begulai enggau sida paderi, religious, sereta enggau semua kangau dalam Gerija.

Berekat meh Aum Ruang Bilik Dunya.

Amen.



5 Jalai ti Badas kitai ulih Nyukung Ruang Bilik

Taun tu, kitai deka ngintu Hari Minggu Catechetical kena Hari Minggu, 30 haribulan Januari. Pandemik Covid-19 ti nyadi diatu udah ngenusah mayuh amat ruang bilik. Beserimbai enggau pun ajar- "Ruang Bilik: Siti Jalai ngagai Pengudus" (1 Korint 12: 12), aram meh kitai sama begulai nyukung ruang bilik kitai ngena jalai ti ulih diadu ke kitai. Ba baruh tu kita deka tetemuka sekeda penemu dikena nyukung ruang bilik ti bukai, enggau mega ruang bilik nuan empu. Aram kitai seati, lalu begempung ngalahka penusah, nyadi raban siti tubuh!

1. SIDA PENGAJAR PENGARAP TAUKA KATEKIS

Suba, belajarka pengarap betunga mua bekenaka parish nyadika endur ti suah dikena. Atur bakatu udah berubah diatu sama mega ba ruang bilik, tu udah nambahka agi mayuh pengawa nyadi dalam ruang bilik. Ketegal atur ti berubah tu, nyadi pengajar pengarap, kitai ulih nyukung ruang bilik ti bisi mayuh anak mit/ sida ti baru angkat bujang dara kitai mantu ngajar, nengah betatika *sida siku-siku*, lalu *ngelala penusah sereta utai dipeguna ke sida*. Endur ti berubah mega ulih nyadika peluang ngagai kitai, ngaga aktiviti ti *mai ruang bilik*- meransang pemansang dalam pengidup roh ba seluruh ruang bilik, ti ukai semina ba sida anak mit/ sida ti baru angkat diri bujang dara ditulung kitai belajarka pengarap. Atur ti betatika enggi siku aja maya belajar pengarap mai *penyemak sereta raban mayuh* ti asal enggi Allah Taala.



2. PADERI PARISH TAUKA SIDA TI NGATUR CATECHETICAL

Paderi Parish enggau Sida ti ngatur Catechetical ngembuan pengawa ti nyulut ari sida ti bukai ngambi *nyimpul, jalai besaum penemu sereta bekereja sama*. Peda baka "ari peda mata burung" nulung kitai ngelala penusah, utai dipeguna sereta jalai ti pengambis manah ngajar pengarap enggau ruang bilik dalam parish kitai. Kitai mega ulih ngena kaul antara enggau orang bukai dalam pengawa bekungsika utai digaga dalam parish, sereta belajar neladan parish ti bukai. Jalai besaum penemu antara raban clergy, sereta sida ti ngatur catechetical enggau sida ti ngatur pengawa ti bukai sereta ketua ministri catechetical dalam arch/diosis, ti beguna amat ngubah sereta pemansang ministry/ parish nuan. Nyadi raban dalam siti tubuh (1 Korint 12: 12), aram meh kitai sama begulai ngenenuhka tuju asal pengidup, nyukung sida ti begunaka tulung, ngena jalai ti ulih digaga kitai!



3. SIKU ARI RABAN DALAM PARISH

Kitai ti nyadi siku ari raban ba parish, kitai dikangau sama bela enggau napi penusah ti nuntung bala menyadi ti bukai, lalu mayuh jalai bukai ruang bilik kena penusah laban pandemik Covid-19. Lebuah kitai bejakuka bakani ngatur pengidup roh dalam ruang bilik, kati bisi utai tauka atur ti ulih diterima dalam ruang bilik kitai? Nama kebuah enda bekungsika pengasai diri enggau raban dalam ruang bilik? Kati kitai nyangka bisi ngaga pengawa, tauka tetemuka jalai ti nyulut ti tau dikena ngajar pengarap? Nama kebuah enda bekungsika tu mega? Anang meh kitai takut bekungsika penemu ti tau nyadika jematam dalam gerempung kitai. Aram meh kitai ngidupka semengat serakup dalam parish nengah ti berundingka diri sama diri ba maya diatu sereta dalam aktiviti ti ngelaban semengat ti enda beduli sereta enda ibuh ke orang bukai.



4. NYADI ORANG BESAI TUAI KE NYUKUNG MAYA BAPTISA (GODPARENTS)

Kitai ti nyadi Godparents, kitai udah ngambi tanggung pengawa nyukung sida ti dikemendarka kitai, dalam pemansang pengidup Kristin sida. Pandemik ti nyadi diatu udah mandangka pengawa ti begunaka ba Godparents, alai sida ulih meri sukung nengah sembiang, sereta pengawa ti bukai. Anang kitai enda ingatka kitai ti nyadi Godparents, kitai mega ngarika gerempung pengarap ti besai, "... *bediri nyadika jamin pengarap sida ti deka dibaptisa sereta pengineka communion gerija.*" (n.98, Directory For The Application Of Principles And Norms On Ecumenism). Nyukung mayuh ruang bilik dalam parish kitai baka pengawa ti berat amat, tang nyema kitai ti Godparents, aram kitai ambis kurang naka ulih nyukung sida ti di sukung kitai maya sida dibaptisa. Kitai ulih ngereja pengawa tu nengah ti ngingat ke sida dalam sembiang kitai, tauka ngabas sida bakani pemansang pejalat pengarap sida. Nyangka kitai tau nyukung sida ngena pemeritauka semina mendingka sida. Aram ngambi peluang tu dikena ngerapitka kaul, nyadi siti tubuh dalam Kristus.



5. NAMA ULIH DIGAGA AKU EMPU NGAGAI RUANG BILIK AKU?

Pandemik Covid-19 udah ngenusah mayuh ruang bilik ngena mayuh macham jalai. Ba sekeda kitai, utai dikingin digaga kitai nyangka udah ngasuh kitai enda bedulika pelajar pengidup roh sida anak kitai/ sida ti baru angkat bujang dara. Taja ukai peneka kitai, sekeda ngasai ke diri alah ketegal bakani deka ngatur tanggung pengawa diri ba maya ti balat amat penguji ketu. Taja pia, anang putus pengandal, kitai ti apai indai, jalai ti berubah iya nengah kitai ti ngajar pengarap bala anak, iya nya, idup baka selama dalam pengidup kitai. Maya kitai ngintu Hari Minggu Catechetical taun tu, aram kitai nanya diri empu, "*Bakani aku diatu ulih ngingka runding bala anak / sida ti baru angkat bujang dara dalam pengarap, sereta kati bisi utai ti ulih diaduka lebih manah agi?*"



PENGAJU

Gambar Lukis: Eleonora Kendra (<https://bit.ly/2Ya56yD>)
Fonts: Awkward Handwriting (Pradipta Creative),
Gafata (Lautaro Hourcade), Metropolis (Chris
Simpson) & Sunn Line Free (WildTYPE Design)

Activiti Lambar 2 (Chura dalam
Kotak Pemeri): <https://bit.ly/3i1yjVH> & <https://bit.ly/3APKE7Q>

Activiti Lambar 3 (Chura Ditaga
dalam Sengkilong): <https://bit.ly/3ecWlq7>

Salin Ngagai Jaku (Iban): Anonymous
Salin Ngagai Jaku (Mandarin): Mary Huang
Salin Ngagai Jaku (Tamil): Josephine Bosco
Salin Ngagai Jaku (Bahasa
Malaysia): Wienna Francisca Tony

Ditusun ulih: National Catechetical Office